



15. januar 2011

UPA

2011/60

Inatsisartut Suleriaasianni § 33 naapertorlugu aalajangiiffigisassatut siunnersuut imaa-ttoq matumuuna saqqummiuppara:

**Inissiamik attartorsinnaanermut peqqussutip allanngortinneqarnissaanik, ilanngullugulu inuit ataasiakkaat najugaqarfingisinnaasaat pillugit ilaneqarnissaanik Inatsisartut kingusinnerpaamik ukioq 2012-imi upernaakkut ataatsimiinnissaannut ineqarneq pillugu maalaaruteqartarfiup pisinnaatitaanerata annertusineqarnissaanut Naalakkersuisut saqqummiusseqqullugit Inatsisartut aalajangiiffigisassaattut siunnersuut.**

(Inatsisartuni ilaasortaq Olga P. Berthelsen, Inuit Ataqatigiit)

### Tunngavilersuut

Aalajangersakkat § 82-anni, imm. 1-imi, Inissianik attartortitsineq pillugu Inatsisartut peqqussutaat nr. 2, 12. maj 2005-meersoq, kingusinnerusukkut allannguuteqarsimasoq, naapertorlugu Namminersorlutik Oqartussat kommunillu attartortitanik inissiaataanni attartortitsisup attartortullu akornanni isumaqatigiinngittooqarnerit kisimik ineqarneq pillugu maalaaruteqartarfimmi suliarineqartarput. Inissianik attartortut namminersortullu attartortitsisut akornanni isumaqatigiinngissutit taamaalillutik maalaaruteqartarfiup sulias-saasa avataaniipput.

Namminersortut attartortittagaanni inissiamut akiliutip aalajangerneranut naleqqussar-lugulu aaqqissorneqarnissaanut aalajangersakkat peqqussummi qulaani taaneqartumi § 33-mi § 35-imilu takuneqarsinnaapput. Inissiani namminersortunit pigineqartuni attartottakkani lu attartortitsisup aningaasaliissutinut ingerlatsinermullu aningaasartuutigisaannit uppernarsarneqartunit, kiisalu inissiaateqarfiup nalingata erniaqartinneranit qaf-fasinnerussanngitsoq aalajangersakkani immikkut takuneqarsinnaavoq.

Namminersortup inissiaataani attartortoq attartornermut akiliutip qaffanneqarneranut naammagittaalliorpat attartortitsisoq tamanna pillugu eqqartuussivikkoortitsinissaminut periarfissaqatitaavoq. Eqqartuussivikkoortitsineq attartortitsisumut akisusinnaavoq, qularnannngitsumillu attartortup tungaanit imaannaanngitsumik iliuuseqarnertut atukkanillu attuisutut misigineqarsinnaalluni. Eqqartuussivinni suliassiissutinik uttaqqisariaqartarnerujussuaq eqqarsaatigiinnaraanni suliassaq illuatungeriinnut piffissarujussuarmik atuiffiusinnaavoq. Taassumallu saniatigut eqqartuussivikkoortitsinermi aningaasartuutis-sat eqqarsaatigisariaqarput.

Taamaammat taamatut aaqqissuussisimaneq naleqqussorinngilara. Inissiamik attartortut namminersortutullu attartortitsisut eqqarsaatigalugit isumaqarpunga Ineqarneq pillugu

Maalaaruteqartarfiup pisinnaatitaaffii annertusisariaqartut. Aamma namminersortut inissianik attartortitaanni attartortut attartornermut peqqussummi § 84 naapertorlugu inissiamik akiliutaasup qaffanneqarneranut il.il. tunngasut pillugit Ineqarneq pillugu Maalaaruteqartarfimmum naammagittaallior sinnaanerminnut periarfissinneqartariaqarput.

Attartornermut peqqussumi § 82-ip allangortinneratigut tamanna pisariunnginnerpaamik aaqqinnejqarsinnaavoq. Ineqarneq pillugu Maalaaruteqartarfiup pisinnaatitaaffiinik killiliineq, tassa Namminersornerullutik Oqartussat / Namminersorlutik Oqartussat kommunillu inissiaataaniinnaq isumaqatigiinnginnerit suliarisinnaanerannik pisinnaatinneqarnera taamaaliornikkut atorunnaarsinnejqarsinnaavoq.

Aamma Naalakkersuisut siunnersuusiornissaminni namminersortut attartortitaanni attartortut Ineqarneq pillugu Maalaaruteqartarfiup ingerlannejqarneranut (inissianik attartortitsineq pillugu peqqussummi § 83, imm. 5 najoqqutaralugu), aningaasartuutinut peqataatinnejqarnissaat naleqquttuunersoq eqqarsaatigissappassuk pissusissamisuussaaq. Tamaattussaanera naleqquttutut isigineqarsinnaavoq, taamaattorli aamma imaassinnavoq attartortut akileeqataanissannut atatillugu allaffissornermi aningaasartuutit isertitassanit annertunerulersut. Apeqqut tamanna Naalakkersuisut siunnersuusiornermanni eqqarsaatigilluartariaqassavaat.

Tamatuttaaq ullumikkut pissutsit allangortillugit namminersortut attartortitsisut Ineqarneq pillugu Maalaaruteqartarfiup katiterneqarnerata allangortinnejqarnissaanut atatillugu ilaasortanngorsinnaalernissaat Naalakkersuisunit eqqarsaatigineqarnissaa pisariaqassaaq. Taamatut allannguiteqarneq siunnersuisoqatigiinnut nævninullu, innuttaasunut pingauteqartunik aalajangiisartunut, ilaasortanik katiterinerni naliginnaasumik ilequusumut naleqqussaanerussaaq.

### **Aningaasarsiornikkut allaffissornikkullu pisortanut kingunissai**

Siunnersuut aningaasarsiornikkut pisortanut kinguneqassaaq, inatsisiliornissarmi allaffissornikkut atuinermik kinguneqartussaammat. Isumaqaqarnaporli inatsisisamik siunnersuusiornissamut aningaasartuutissat 2011-mut aningaasanut inatsimmi ilaareersut, imaammammi Ineqarnermut, Attaveqarnermut Angallanermullu Naalakkersuisoqarfimmi konto pingaernerme 70.00.01-imi ineqarneq pillugu nutaamik inatsisiliornermi nutarterinermut avataaniit siunnersorteqarnissanut atugassanik immikkut 600.000 kr.-inik aningaasaliisoqarsimmat. Siunnersuut manna suliassanut pineqartunut ilannguneqarsinnaavoq.

### **Aningaasarsiornikkut allaffissornikkullu namminersorlutik inuutissarsiortunut kingunissai**

Siunnersuut namminersorlutik inuutissarsiortunut aningaasarsiornikkut allaffissornikkullu kinguneqartussaassaaq, matumanimi namminersortut inissiaataanni attartortitani attartortut illorsorneqarnissaasa annertusineqarnissaat siunertaammat. Taamatut allanngui-nissaq namminersortunut inissianik attartortitsunut maleruagassat malillugit inger-latsisunut ajoqtaasussaangilaq. Siunnersuummi attartornermut akiliut pillugu maleruagassanik allannguinermerik kinguneqartussaangilaq, taamaallaalli attartornermi attartortitsisup tungaanit akiliummik qaaffaanermut atatillugu attartortup naammagittaallior sinnaanissaanut periarfissiissalluni.

## **Aningaasarsiornikkut allaffissornikkullu innuttaasunut kingunissai**

Namminersortut inissaataannik attartortunut siunnersuut aningaasaqarnikkut allaffissornikkullu kinguneqartussaavoq, taakkumi attartornermut akiliutit annertuallaamik patsisissaqanngitsumilluunnit qaffanneqarnerisigut il.il. ajornannginnerusumik naammagittaalliornissaminnut periarfissinneqassammata. Tamassuma saniatigut namminersortut inissaataanni attartorsimasut attartornermut atatillugu Ineqarneq pillugu Maalaaruteqartarfiup sulineranut aningassartuutit matuneqarnissaannut pisussaaffik naligmaasoq, inissianik attartortsineq pillugu peqqussummi § 83, imm. 5 najoqqutaralu ukiumut akiliuteqartalersinnaapput.